

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

CCCXXIV.

[urn:nbn:de:bsz:31-295125](https://nbn-resolving.org/urn:nbn:de:bsz:31-295125)

CCCXXIV.

RUPERTI IMP. PRIVILEGIUM DE NON EVOCANDO
RUDOLPHO MARCHIONI HACHB. DATUM.

ANNO MCCCCIII.

Ex Tabulario Badensi.

WIR RUPRECHT von Gottes Gnaden, Römischer Kunig, zu allen Ziten Mehrer des Richs, bekennen vnd tun kund öffentlichen mit diesem Briefe allen den, die Ihn sehent oder hörent lesen, das Wir durch solcher Dienste vnd trüwen Willen, als Vns vnd dem Riche, der Edel Rudolf, Marggrave von Hachberg, genannt von Röteln vnd von Sufenberg, Vnser vnd des Richs lieber getrewer oft vnd dicke nützlichen vnd williglichen getan hat, täglich tut vnd fürbas tun soll vnd mag in künftigen Ziten Ihm vnd sinen Erben, mit wolbedachtem Mute, gutem Rate vnd rechter Wissen, diese befunder Gnade getan haben vnd tun Im die in Kraft dis Briefs vnd Römischer Kuniglicher Mechte, das Nieman, in welcherley Würden, Adel oder Wefen der sey, Sie Ihr Diener, Lüte vnd Unterfessen, es syn eigen Lüte, Pfandlüte oder ander Mann oder Wybe, Knaben oder Töchter für kein Landgerichte, oder anderwertliche Gerichte vm keinerley Schulde oder Sache nicht fürtriben, heischen oder laden noch vber Sie kein Urteil sprechen solle oder möge in dheine Wyfs, vßgenommen alleine, Vnser vnd des Richs Hofgerichte, funder het jemand zu den egenann-

ten Rudolf oder finen Erben ichts zu sprechende, der foll vnd mag das für Vnsern vnd des Ruchs Hofegerichte suchen vnd furdan, als Recht ist, hat aber jemand zu Iren Dienern, Lüten oder Vnderfäßen ichts zu sprechen, der foll das für demselben Rudolffen, finen Erben oder für Iren Richtern vnd Amblüten, dahin Sie dann gehören, suchen vnd fürdern, als Recht ist vnd Sie auch wider diese gegenwürtige Vnser Gnade in kein ander Gerichte nicht ziehen in dhein Wyfs, Es wär dann, das dem Kläger Recht dafelbst ver sagt würde vnd Ihme nicht widerfahren möchte, so mag ein jedermann zu Ihm, für Vnfrem vnd des Ruchs Hofegerichte suchen vnd fürdern, als billich ist, vnd, werden egenanten Marggrafen, syn Erben oder die synen darüber lude, furtriebe oder verteilte, das soll kein Kraft noch Macht haben vnd verichten auch das in Kraft dis Briefs vnd Römischer Königlicher Mechte, Vollkommenheit vnd gebieten darumb allen Fürsten, Geistlichen vnd Wertlichen, Graven, Freyen, Herren, Dienstlüten, Rittern, Knechten, Hoferichtern, Landrichtern, Richtern, Amblüten, Vrteilsprechern, Burgermeistern, Räten vnd Gemeinden vnd suft allen andern Vnfren vnd des Ruchs Vndertanen vnd lieben getruwen ernstlich vnd festiglich mit diesem Briefe, das Sie den egenanten Marggraf Rudolffen, sin Erben, noch Ir Lüte oder Vnderfäßen wieder solche Vnser Gnaden vmb keinerley Sachen für kein Landgerichte, Hofegerichte oder ander Gerichte nicht fürheischen, laden oder damit bekümmern in dheine Wyfs, sondern sie by denselben Gnaden getreuwlichen handhaben, schützen und schirmen vnd geruhelich beliben lassen, wann geschäch darüber von jemand keinerley Ladunge, Recht oder Vrtheil,

wollen wir, das es demselben Rudolffen, finen Erben oder den Iren keinen Schaden bringen oder zufügen solle oder möge in dheine Wyfs, wer auch folche Vnfer Gnade an In oder den Iren freuelich vberfüren, der foll als oft vnd dicke das gefchehe, in Vnfer vnd des Richs schwere Vngnade vnd in ein Pøene zwentzig Marck lötigs Golds verfallen fin, die halbe in vnfer vnd des Richs Cammer vnd das ander halbe teil dem ehgenanten Marggrafe Rudolffen oder finen Erben vnläfslichen gefallen sollen, mit Vrkund difs Briefs versiegelt mit Vnfer Kuniglichen Majestat Ingefigel. Geben zu Nuremberg vf den Frytag nach Sanct Paulstag, als er bekehrt ward, in dem lahre, als man zalte nach Christi Geburte vierzehenhundert vnd dry Iare, Vnfers Richs in dem dritten Iahre

(L.S.)

 C C C X X V .

JUDICIUM FEUDALE FERT SENTENTIAM IN
LITE INTER BERNHARDUM MARCH. BAD. ET
SCHAUBENBURIOS PROPTER PARTEM CA-
STRI SCHAUBENBURG AGITATA.

 A N N O M C C C C I I I .

Ex Tabulario Badensi.

Ich RUDOLFF von Hohenstein Ritter erkenne mich daz Ich zu Gericht fäse zu Baden vff den Tag, als datum difs Briefs geschrieben stet, vnd waz ein Richter von dez Hochgebornen Fürsten myns